

東方雜誌

第十六卷
第一至三號

(1919年1月—1919年3月)

上海書店出版社

東方雜誌

第十六卷
第一至三號

(1919年1月—1919年3月)

上海書店出版社

東方雜誌

第十六卷
第一號

●大戰終結後國人之覺悟如何…………… 詹父(一)

●談屑…………… 君實(九)

●著作與批評 小說之概念

●戰後之國際聯盟…………… 君實(二)

●中國之內國關稅…………… 高勞(三)

●開明專制主義之失敗…………… 林任(三)

●世界當代名人志(三)…………… 羅羅(三)

英國首相勞特喬治氏 捷克共和國大總統馬沙利克博士 美國新聞家般納德氏

●中日借款統計表…………… 羅志希(四)

●熱與力能直接得之於煤礦乎…………… 杜其均(五)

●澳洲之孟祿主義…………… 羅實(五)

●亞拉伯之新王國…………… 君實(六)

●酒與戰爭…………… 君實(六)

●比利時之損害賠償…………… 羅羅(六)

●對德宣戰之國…………… 君實(七)

●世界之三大勢力…………… 羅羅(七)

●波蘭與烏克蘭…………… 君實(七)

●能率增進法(續)…………… 黃士陸恆(八)

●進化之眞象…………… 陳長衡(九)


●世界名劇談…………… 羅羅(一〇)

次目誌


民國八年
一月

●物質界之神秘.....	梁應乾(二〇七)
●戰爭與醫生.....	羅羅(二三)
●戰爭與發明(完).....	漢聲(二三)
●文苑.....	(二九)
●賂史.....	陳家麟(二六)
●重臣傾國記(續).....	趙尊嶽(二四)
●小說攷證卷九(續).....	蔣瑞藻(二五)
●內外時報.....	(二七)
●歐戰與哲學 所望於平和會議者 戰勝之新解釋 租界問題 領事裁判權問題 主 張國際稅法平等會集緣起 南洋之地理及歷史 爪哇土人風俗志 旅游 漫記 中國地圖之沿革 漢族開拓滿洲史 脚氣病之養生 研究心靈之價值 人體寄生蟲談 日人之嗎啡鴉片兩貿易 日人售嗎啡鴉片之評論 動植物之變 化	
●法令.....	(二九)
●教育部公布注音字母表 郵政儲金條例 職官任免令	
●中國大事記.....	(三一)
●東方雜誌第十五卷總目錄.....	(三一)
●插畫	
●三色版泰西名畫『天神安保樂』 徐總統在太和殿閱兵攝影 徐總統 招宴各國公使攝影 巴黎凡爾賽離宮風景二幅 協約各國軍人行舉 手禮之異點	

影攝之兵閱殿和太在統總徐（日八十二月一十年七）日賀慶平和界世



影攝之時使公國各宴招統總徐日賀慶平和界世




巴 黎 凡 爾 賽 離 宮 之 風 景

(凡爾賽離宮全景)



(凡爾賽離宮之噴水池)



宮在距巴黎十二哩之凡爾賽市爲路易十四世所造六大宮中之最大者現今協約國擬在此地開講和大會


協約各國軍人舉手禮之異點



1 英國
4 希臘
7 葡萄牙

2 美國
5 意國
8 塞國

3 比國
6 波蘭
9 捷克



第十六卷

第一號

大戰終結後國人之覺悟如何

詹父

戰期、互、四、年、三、個、月、之、久。交戰國至二十八國之多。動員至四千三百萬人之衆。殺傷千二百萬人。耗財三千萬萬圓。如此空前。且希望其絕後之大戰爭。今日已告終結。其結果則德意志帝政崩壞。奧匈聯合國解體。俄羅斯帝國分裂。歐洲遂增多數之新共和國。二十世紀前期之大震動。乃如此偉烈。雖百世以下。讀此時期之歷史。猶將驚心駭目。况吾儕並世之人乎。而今而後。

新時代之真相。將揭示於吾人之眼前。若國際同盟外交公開。民族自決。軍備減縮。公海自由。弱小國擁護諸問題。既列舉於美總統在國會宣布之十四條教書中。將爲此次講和條件之基礎。吾人對此時局。自不能不有一種之覺悟。即世界人類。經此大決鬪與大犧牲以後。於物質精神兩方面。必有一種之大改革。凡立國於地球之上者。決不能不受此大改革之影響。此種覺悟。

吾國人之稍稍留意世事者。殆無不同之。卽如吾國之南北戰爭。本以參戰爲誘因。近以受此影響。退兵罷戰。可知吾國人於時局上已有若干之覺悟。但覺悟之程度如何。與吾國將來對於世界之大改革。能否適應。至有關係。故吾人亟欲以大戰爭影響之所及。告我國人以促國人之覺悟焉。

此次凡爾塞宮講和會議。其主人翁果誰氏乎。美總統威爾遜氏。或國務卿藍辛乎。英首相路德喬治乎。法總理克萊門沙乎。此固表面上有數人物。爲世人所知名者也。然從其裏面觀察之。則講和之主動者。實爲各國之下層人民。其數甚衆。其名亦無可指。去年萬國社會黨開和平會議。交戰各國之社會黨皆提出和平條件。以代表下層人民之意思。其條件大同小異。美總統威爾遜氏之十四條教書。大都採取萬國社會黨協定之條件而成。當時各國社會黨所提條件。皆以設立國際的最高機關爲最置重之一事。（英國社會黨聲明以

設立對於各國有命令權之主權爲最重。美國社會黨條件中有全歐爲合衆國及創設主宰國際關係之機關二條。德國社會黨條件聲明萬國和平和會議之必要。且云社會之下層人民宜盡其全力監督自己之政府。維持和平。向各國政府使確定其有無加入萬國和平會之決意。如拒絕或設遁辭。不聲明加入之政府。不得信任之。當力與之爭。此運動之企圖及擴張。當爲萬國社會黨之第一目的。下層人民之團體。不加入此運動者。不認之爲社會黨。故此次會議不能僅視爲交戰國兩方之講和會議。實爲世界各國之和平會議。卽含有國際的最高議事機關之意。而此議事機關之背面實有一種原動力存在。不可忽視者也。

交戰國之講和會議。實際上爲世界各國之和平會議。固已。然此猶皮相之論也。更切實言之。則此國際戰爭之講和會議。實已變爲階級戰爭之講和會議。蓋自俄國革命以後。過激派社會黨掌握政權。雖西伯利亞地

方非過激派已回復勢力而歐俄則尙爲過激派及勞兵會之勢力中心。德國革命出於社會黨諸派之聯合勢力。德皇退位以後。溫和派社會黨即多數。社會黨握政權。以愛倍爾爲政府首領。然急進派社會黨即少數。社會黨之人物。革命後大赦出獄。到處歡迎。多數派將變爲少數派。將來德國政權或落於急進派之手。亦未可知。奧匈破壞以後。各建立自治之新政體。若民族之獨立完成。亦不免與過激派同化。百年以前神聖同盟之俄德奧三國。今忽爲過激的改革黨之根據地。協約國對於俄國。既援助捷克軍。以當過激派。對於德奧。亦慮其革命以後。趨於極端。此外。比利時。荷蘭。西班牙諸國。社會民主主義之勃興。亦有牽入旋渦之勢。故以打破軍國主義。擁護民主主義爲鵠的之戰爭。因改革氣運之進行。過於劇烈。反不能不和緩之限制之。以維持秩序。且各國社會黨所主張各國政府所是認之民族自決一事。其適用之範圍。若過於廣汎。在英法意

日諸國政府亦不能容。况如過激派之主張。凡從前之獨立國。爲帝國主義之犧牲者。皆欲努力救援其國民。以恢復其獨立。此種主張。尤非前列諸國之所能是認。又如軍備縮小一事。雖爲世人之所共同贊許。而其限度。果至於如何。若如社會黨之所主張。欲完全廢撤軍備。其難於實行。亦自與前者相等。然則此次會議。不過將社會黨對於現在社會改革。至若何程度。現在社會對於社會黨之要求。容許至若何程度。爲一種之協定。謂爲階級戰爭之講和會議。詎不可乎。

國際戰爭之講和會議。實際上爲階級戰爭之講和會議。固已然。以爲講和會議。則必一方面戰勝。一方面戰敗。或兩方面均無勝敗。而後棄戰而言和。今則兩方面皆爲戰勝者。以國際戰爭言。英美法意戰勝。俄德奧戰敗。然以階級戰爭言。則俄德奧社會黨實戰勝。其國之帝王官僚軍閥而新造其國家戰敗者。乃俄德奧三國之前皇及其黨與而已。故今日喧騰衆口之一自由戰

勝公理戰勝」云云。實爲最公平之觀念。由此觀念推之。則英、美、法、意等二十三國固戰勝。俄、德、奧、匈、保加利亞等亦戰勝。雖謂之全世界戰勝可也。全世界皆戰勝。戰敗者特過去之舊世界耳。今之人或囚於舊世界之思想。以爲德軍在西歐方面迭次退走。要求講和。交出軍械戰艦。以後已無戰鬪之能力。不得不謂之戰敗。不知在社會黨欲貫徹其和平之主張。以求理想上之勝利。爲勝而敗。爲和而走。軍械戰艦彼等不但視爲無用之長物。且視爲不祥之兇器。去之惟恐其不盡出之。惟恐其不速此正社會黨勝利之成績。謂之戰敗。適相反矣。又或囚於舊世界之思想。以爲理想上之勝利終不免於事實上之屈辱。則當俄、德停戰時。德皇固以事實上之勝利。迫壓俄國。使承認屈辱之條件者。當時篤倫斯基曾言「吾人雖敗於戰爭。當以理想征服世界」迨德國革命驟發。德皇爽然自失。曰「俄羅斯之大兵。未經宣戰。已越吾國境矣。」蓋嘆俄國過激派之社會主

義已流入於德國也。社會主義無國界之可言。英美自參戰以來。其政治上已顯然現社會主義之色彩。英國行將舉行總選舉。社會黨議員必倍增於前。英美二國之情勢如斯。則今後各國政府若猶有恃其軍械戰艦以迫壓他國。擾亂和平者。其政府必至於顛覆。俄、德與皇家之殷鑒固不遠也。是以此次之勝利爲全世界確實的勝利。吾人於此不禁有日月重新之感想焉。當歐戰發生時。世人已有歐洲現代文明沒落之想像。歐洲勞動界之論調。以爲「現戰爭所消費者。不僅社會之安寧。人類之生命。世界之蓄財而已。爲現代文明根蒂之社會組織。亦將歸於死滅。哺食於此組織中之政治組織。亦當然死滅。」夫舊文明死滅云者。卽新文明產生之意義。今大戰終結。實爲舊文明死滅。新文明產生之時期。舊文明者。卽以權利競爭爲基礎之現代文明。而新文明者。卽以正義公道爲基礎之方來文明也。但此在歐洲言之。則然。若就我國言之。則當易爲新

文明死滅舊文明復活之轉語。蓋我國今日固以權利競爭爲新文明。而以正義人道爲舊文明也。我國近二十年來之紛擾。實以權利競爭爲之厲階。皆食此所謂新文明者之賜。與歐洲國際間紛擾之禍根實爲同物。歐洲所競爭者爲國家權利。故發生國際戰爭。吾國人所競爭者爲個人權利。故發生國內戰爭。範圍之大小雖殊。因果之關係則一。且此種競爭初非爲事實所迫。而然乃出於一種遊戲之心理。某社會主義者曾評論歐洲戰爭之心理爲「膨脹的遊戲慾」。我國之國內戰爭實亦由此政黨借國會爲遊戲。各出其陰謀權詐運動收買之手段。以比較技術之高下。武人藉和戰爲遊戲。各施其操縱。向背誘引。刼制之手段。以比較博進之多寡。演之既久。乃驅於狂熱之態度。不能自己。故我國之國內戰爭實歐洲國際戰爭之縮影也。我國貧苦之人民無歐洲下層社會之團結能力。與其組合方法不能禁阻此武人政客使終止其競爭之遊戲。然固有文

明之固結於吾人心底者。固與歐洲多數民衆之和平思想。忻合無間。蓋民本主義與大一統主義乃吾國民傳統思想之最著者。故對於歐洲之平民政治與其世界和平運動不少共鳴之惑。我國之政客武人苟不欲與國民心理背馳。向世界大勢逆進者。則當知今日已爲遊戲終局之期。曩日所視同生命之權利競爭。今日不可不使之死滅。方來之國內和平會議宜與世界和平會議以同一公正之目的。成同一高貴之事業。威爾遜之所謂美國精神今已照耀於世界。吾中國當亦有所謂中國精神。夫豈不能表見於國境以內乎。吾國之政客武人果有此覺悟者。則此次國內和平會議不必爲枝節之調停。不必爲含糊之妥協。若法律問題。即新舊國會存廢問題。事實問題。即南北政權分配問題。均可以不煩言而自解。蓋今日之新舊國會不過爲雙方政客陰謀權詐之演習場。無一可代表民衆之意思者。南北政權悉爲武人所占據。皆以誘引刼制而得之。無

一。可爲民衆所承認者。苟各出其良心。將以誠意以求和平。則爲政客者。亟宜解散其黨。與退歸田里。聽國民以自由之意志。另行選舉其代表之人物。爲武人者。亟宜裁汰其所擁。驕悍之軍隊。安靜守職。不干與國家政治。及地方事務。此皆人人心中之所共喻。口中之所欲言者。循民意而行之。則與新世界共其光榮。返民意而行之。則與舊世界同歸消滅。何去何從。宜猛省焉。

吾國人欲適應世界之新文明。固以拋棄權利競爭。保國內之和平。爲先務之急。其次則宜勵行社會政策。以蘇下層人民之苦痛。徐東海之就職宣言書。有「適用民生主義。悉力擴張實業」之語。且解釋民生主義。以「使人人有以資生」爲說。既與擴張實業對舉。則其民生主義。非豐民財厚民生之意。實社會主義之異稱。政治上適用社會主義。卽所謂社會政策也。此種政策。歐美諸國在戰前已力行之。於戰時則尤注全力於此。日本近時。因米騷動之故。又鑒於俄德諸國革命之故。亦

注意於社會政策。我國古來雖無社會政策之名。詞。然所謂「仁政」云者。實包涵社會政策於其中。孟子所言。文王治岐之仁政。在歐美人之眼光中。卽視爲社會政策之別開蹊逕者。歐美所謂社會政策。若勞動者保險制度。工場保護法律。以及食料品由政府管理。限制日用品之最高價等。其方法未必能直接適用於吾國。然其意義則不外乎於物質及精神上。救助貧者弱者。兼限制富者強者。使不能以其資力。侵害貧者弱者之生活。此固至公至平之政策。凡屬賢明之政府。皆當奉爲渠燼者也。大戰爭終結以後。各國必大擴張其工商事業。以恢復戰時之損失。東亞大陸。將起劇烈之經濟戰爭。歐洲之社會黨。雖亦有一二派。反對經濟上之侵略者。然大多數則不過要求資本之公有。利益之平均分配。使勞動界生活之向上而已。其主張之世界和平。僅及於軍事範圍。與我國儒家之大同理想。究不相同。將來之經濟戰爭。殺傷之多。或比西歐之戰場爲甚。一

事業之失敗受其累者輒千萬人。飢寒疾病之交加婦孺老弱當其衝。父母凍餒。妻子啼號。骨肉流離之慘痛。固不如戰死沙場之爲愈也。各國今後之經濟戰爭。不外乎收求原料品及廣售其工業品之二事。原料之需要急則衣食之價必貴。工業品之供給多則奢侈之風必長。國中少數之有產業能供給原料品者及販運工業品以圖中買之利益者。雖得分取其一部分之勝利。而多數之無產業以產生原料品者及固有工業新起工業之立於戰線上者。必全遭失敗。此少數勝利者與多數失敗者之間。貧富懸絕一方。摹擬歐美之富豪一方。則爲乞丐囚徒流氓土匪之類。調劑於此兩方面之社會政策。對於勝利者重其擔負。以警其奢侈。對於失敗者與以救濟。以保其生存。自爲當然之舉。而根本上之調劑。則宜防止原料品之過度輸出。如米穀棉花之類。爲國民衣食所必須者。若輸出過多。致國內儲蓄空乏。則必驟起恐慌。發生騷亂。其次則日用必須之工業

品。宜獎勵之補助之。使勞動者可以得業。奢侈之工業品。如烟酒及裝飾物等。宜加以抑制。而與此政策有關係之海關稅及交通機關。決不可聽其操縱於外人之手。此皆政府所宜盡之責任也。然戒奢侈恤貧。難僅僅出於政府之政策。不由國民以仁心與義氣實力行之。則收效有限。故社會主義行之於國家之政治上。不如行之於國民之精神上。爲善精神上之社會主義。即歐美人所稱爲基督教社會主義者也。

大戰終結後社會主義之勃興。其影響必及於吾國。此固吾人所竊竊欣喜者。而竊竊憂慮者。亦莫甚於是。欣喜者喜吾國之政客武人或鑒於世界之大勢。有所覺悟。終止其權利競爭。而注意於社會政策也。至所憂慮者。非如日本之官僚派目社會主義爲危險思想。懼其侵襲以妨害其官僚政治。第以吾國急進之徒。於歐美人之思想行爲有所感觸。輒不顧國情之如何。欲強移植之於吾國。卽如民主主義與競爭思想。輸入吾國以

後紛擾既若干年。迄今國體雖定。而眞共和仍未實現。政客武人。攘奪權利。兵匪充斥。國民之顛連困苦。已不可盡言。設於此時。復以社會主義激起下層人民之感。情鼓吹其暴動。則大亂之發。將與漢之赤眉。唐之黃巢。明之獻闖。清之髮捻無異。我國下層人民。與歐美情勢不同。歐美之下層人民。大多數爲勞動者。且有完備之勞動組合。皆以有學識道德之人爲之領袖。對於社會改革之思想。已深慮熟考。具有定見。黨中行動。有一定之步驟。其實行改革之手段。惟在於政治上經濟上漸占勢力。非恣意於破壞者。我國下層人民。勞動於農業工業者。不過小半數。大半數爲現無職業。欲勞動而不可得。或不肯勞動者。農工業所組合之團體。雖可爲我國社會之中堅。而範圍甚隘。並不抱有若何改革之思想。無職業者所結團體。未離祕密性質。實爲我國社會中不安定之分子。其耳目所濡染。意念所積蓄者。不過小說中劫富濟貧。輕財仗義之類。雖其根柢上與歐美

之社會主義非無近似之處。而學問道德思想行動與歐美社會黨之程度相差尙遠。平時憤懣不平。對於現社會抱一種惡感。一有所發洩。則殺戮焚燒。姦淫擄掠。無非野蠻性之發作。物質慾之衝動而已。故我國急進之徒。若欲乘世界之潮流。率此下層人民中之無職業者。貿貿然企圖改革社會之事業。則必使吾全國之社會陷於覆亡之境。遇此實我全體國民所宜兢兢注意者。現時歐美社會黨方欲聯結各國之下層人民。以推廣其主義。如洪水之四溢。如飛火之延燒。各國浪人或抱懷過激主義者。方以引起他國之騷亂。促其覆沒爲快。我國之有志者。當此時會一方面當勸勉國人實行政治上精神上之社會主義。以紓未來之禍。一方面當留意於世界改革之大勢。明其真相。悉其主旨。詳其利害。以爲適應之預備。切勿盲從輕信。摘未熟之果。掘未長之苗。以貽害於無窮焉。

談

屑

君實

著作與批評

自民權之說大張。出版自由。遂爲吾人三大自由之一。近世歐美列邦。出版界之發達。風發泉湧。一日千里。用能啓淪民智。增進文化。回顧吾國。此數十年來。不特著作之書。闕焉無聞。卽譯述外籍者。亦復寥寥可數。此其根本原因。固在國人讀書力之薄弱。而批評家之少。亦其一端。文明各國。恆有一部分之學者。專門從事於出版物之批評。一新書甫出。報章雜誌中批評之文字。紛至沓來。目不暇給。書之尤有價值者。批評之人亦愈衆。其裨助出版界之進步。實非淺尠。蓋近代印刷術進步。書籍印行之易。十倍曩昔。不道德之著作家。往往剽襲割裂。雜湊虛書。巧立名目。以炫購者。吾人偶一不慎。輒爲所欺。非第費時傷財。抑且足以阻喪讀書之志。甚或因而誤入歧途。不可救藥。惟得批評家爲之指導。則良

窳優劣。不待親讀其書而後知。但以批評者之言爲標準。各就己所欲讀之書。選擇購取。自可收事半功倍之益。至於著書之人。縱學識十分豐富。亦難免有注意不周之處。苟不聞他人之褒貶。則缺點常留。終不自知。今以批評之公言。爲攻錯之資助。折中於多數之是非。而加增刪修改之功。則其書亦可臻於完善。故批評之效果有四。一可以絕劣等出版物之發生。二可以助優等出版物之普及。三可以爲讀者之導師。而鼓舞其讀書之興。四可以爲作者之諍友。而促出版界之改進。顧批評之事。亦復匪易。學問膚淺。則良窳莫辨。見識卑陋。則黑白倒置。心所有蔽。則言多執拗。情有所偏。則語近誣妄。憑其高大之眼光。出以公正之態度。不激不隨。務詳務慎。則批評之功。詎在著作下哉。

小說之概念